

TANGAZO LA SERIKALI Na. 211 la tarehe 15/3/2019

SHERIA YA SERIKALI ZA MITAA(MAMLAKA ZA MIJI)

SURA 290

SHERIA NDOGO

(Zimetungwa Chini ya Kifungu Cha 6(1) na 16(1))

SHERIA NDOGO ZA (ADA ZA VIBALI VYA BURUDANI) ZA HALMASHAURI YA
JILI LA TANGA ZA MWAKA, 2019

Jina na
mwanzo wa
kuanza
kutumika

1. Sheria Ndogo hizi zitajulikana kama Sheria Ndogo za (Ada za Vibali vya Burudani) za Halmashauri ya Jiji la Tanga za Mwaka,2019 na zitaanza kutumika baada ya kutangazwa katika Gazeti la Serikali.

Matumizi

2. Sheria Ndogo hizi zitatumika katika maeneo yote ya Halmashauri ya Jiji la Tanga;

Tafsiri

3. Katika Sheria Ndogo hizi isipokuwa kama itaelezwa vinginevyo; “Ada” maana yake ni malipo yanayolipwa kwa Halmashauri kwa ajili ya vibali, au leseni mbalimbali zitolewazo na Halmashauri; “Afisa Mwidhiniwa” maana yake ni mtu ye yote aliyeteuliwa na Mkurugenzi kusimamia Sheria Ndogo hizi.

“Halmashauri” maana yake ni Halmashauri ya Jiji la Tanga;

“Kibali cha burudani” maana yake ni kibali kinachotolewa na Halmashauri kwa ajili ya kufanya shughuli za burudani ambayo inakutanisha watu katika Ukumbi, Uwanja wa Michezo au sehemu yoyote ya wazi au Mitaani;

“Mkurugenzi” maana yake ni Mkurugenzi wa Halmashauri ya Jiji la Tanga au Afisa yeyote aliyeteuliwa kutekeleza majukumu ya Mkurugenzi;

“Ushuru” maana yake ni malipo ya fedha taslimu zinazolipwa na mtu anayehitaji huduma.

“Wakala” maana yake ni mtu binafsi au kikundi cha watu, Kampuni au Shirika ambalo limeteuliwa na Halmashauri kufanya kazi yoyote chini ya Sheria Ndogo hizi.

Kibali

4.-(1) Kila mtu au taasisi yeyote isiyokuwa ya kiserikali au kidini itakayoendesha shughuli za burudani, atalazimika kuomba kibali cha kuendesha shughuli hiyo kutoka Halmashauri kama kilivyoonyeshwa katika Jedwali la Kwanza la Sheria Ndogo hizi.

(2) Kibali hicho kitalipiwa ada kama ilivvooneshwa katika Jedwali la Kwanza la Sheria Ndogo hizi.

(3) Kibali hicho kitaonesha;-

(a) sehemu itakayofanyika shughuli hiyo.

(b) muda wa kuanza na kumalizika kwa shughuli hiyo.

(c) aina ya Shughuli au burudani

(4) Nakala ya kibali hicho itapelekwa kwa Mkuu wa Polisi wa Wilaya (OCD) ikiwa na viambatanisho vyote husika.

Marufuku

5.-(1) Ni marufuku kwa mwenye ukumbi wa Video na Sinema au sehemu yoyote kuonyesha picha za video ambazo hazina maadili.

(2) Ni marufuku kwa watoto wadogo na wanafunzi au mtu yeyote aliye chini ya umri wa miaka kumi na nane (18) kuingia katika kumbi za burudani au muziki.

Wajibu

6.-(1) Ni wajibu wa kila mmiliki wa ukumbi wa muziki kupiga muziki kwa kiwango cha sauti cha kawaida bila kuathiri watu wanaozunguka eneo la ukumbi huo wa muziki.

(2) Kila mwonesha video au sinema atatakiwa kuweka sauti ya chini wakati wa onesho bila kuathiri majirani wanaomzunguka.

(3) Ni wajibu wa kila mmiliki wa kumbi za burudani au bar au

Sheria Ndogo za (Ada za Vibali Vya Burudani) za Halmashauri ya Jiji la Tanga
Tangazo la Serikali Na. 211 (linaendelea)

mziki kuhakikisha wanafunzi au mtu yeyote aliye chini ya umri wa miaka kumi na nane (18) haingii katika kumbi izo na endapo itabainika kuingia kwa wanafunzi au watoto hatua kali za kisheria zitachukuliwa dhidi ya mmiliki wa kumbi hizo.

Uwezo wa
Afisa
Mwidhiniwa

7. Afisa Mwidhiniwa atakuwa na uwezo wa kuingia katika ukumbi wowote wa burudani, sinema au sherehe yeyote inayofanyika mtaani na hadharani kukagua kibali kinachoruhusu uendeshaji wa shughuli hiyo.

Kibali
Maalum

8. Mtu au kikundi chochote kitakachofanya sherehe katika Mitaa au Viwanja vya wazi itabidi apate kibali cha kufunga barabara ya Mtaa.

Muda wa
Burudani

9.-(1) Muda wa kuonesha video au sinema utakua ni siku ya jumamosi na jumapili kuanzia saa saba mchana hadi saa kumi na mbili jioni.

(2) Disko litaruhusiwa kupigwa siku ya ijumaa hadi jumapili kuanzia saa tatu usiku hadi saa tisa usiku.

Kufifilisha
kosa

10. Mkurugenzi anaweza kufifilisha kosa iwapo mkosaji atakiri kosa kwa hiyari yake mwenyewe kwa maandishi kwa kujaza fomu maalum iliyoambatanishwa kwenye *Jedwali la tatu la Sheria Ndogo hizi* na kukubali kulipa faini na kodi anayodaiwa chini ya Sheria Ndogo hizi na kulipa kiasi kisichopungua shilingi Laki mbili(Tsh. 200,000/=) na kisichozidi shilingi Laki tano (Tsh. 500,000/=)

Makosa

11. Itakuwa ni kosa kwa mtu yeyote endapo;-
(a) atapiga mziki unaosababisha kero kwa majirani;
(b) atafanya sherehe yoyote bila kuapata kibali;

Adhabu

12. Mtu ye yote atakayekwenda kinyume na masharti ya kifungu cha 11 cha Sheria Ndogo hizi, atakuwa ametenda kosa na akipatikana na hatia atatozwa faini isiyopungua shilling laki mbili(200,000/=) na isiyozidi shillingi Millioni moja (1,000,000/=) au kifungo kisichopungua miezi kumi mbili (12) na kisichozidi miezi ishirini na nne (24) au adhabu zote mbili kwa pamoja yani faini na kifungo.

Sheria Ndogo za (Ada za Vibali Vya Burudani) za Halmashauri ya Jiji la Tanga
Tangazo la Serikali Na. 211 (linaendelea)

JEDWALI LA KWANZA
(Limetungwa Chini ya kifungu cha 4 (1))

FOMU YA MAOMBI YA KIBALI

SEHEMU YA KWANZA (Taarifa za Mwombaji)

1. Jina la Mwombaji au Kampuni;	2. Anwani ya Mwombaji;
3. Aina ya Shughuli;	4. Eneo analokusudia kufanya shughuli
5. Muda wa kuanza ;	6. Muda wa kumaliza
7. Ada ya kibali Tsh.	8. Stakabadhi ya malipo;
Saini: Tarehe:	

SEHEMU YA PILI (Kwa Matumizi ya Ofisi)

1. Maombi Na.....	2. Ada ya kibali Sh:.
3. Namba ya Stakabadhi ya malipo:	4. Tarehe:.....
	5.

Maoni ya Afisa Mwidhiniwa: - *Nakubali/Sikubali (*weka alama ya tiki kwa inayohusika*)

Sababu:

Jina: Saini:

Tarehe: Mwezi..... Mwaka.....

Sheria Ndogo za (Ada za Vibali Vya Burudani) za Halmashauri ya Jiji la Tanga
Tangazo la Serikali Na. 211 (linaendelea)

JEDWALI LA PILI

(Limetungwa Chini ya Kifungu cha 4(2))

ADA YA KUENDESHA SHUGHULI ZA UTAMADUNI, BURUDANI NA MICHEZO

NA.	ADA/USHURU	KIWANGO
1.	Kibali cha Dansi kutoka nje ya Halmashauri	120,000/= kwa siku
2.	Kibali cha Taarabu kutoka nje ya Halmashauri	120,000/= kwa siku
3.	Kibali cha sherehe za harusi ambazo hazifanyiki katika kumbi	25,000/= kwa siku
4.	Kibali cha Sherehe za harusi katika kumbi	5% ya gharama iliyolipwa na mkodishaji
5.	Kibali cha Disco/Dansi/Taarabu vikundi ndani ya Halmashauri	20,000/= kwa siku
6.	Kibali cha Sherehe za Camp za vijana	10,000/= kwa siku
7.	Kibali cha Maonesho ya muziki kwenye magari ya matangazo	50,000/= kwa siku
8.	Kibali cha Matangazo	30,000/= kwa siku
9.	Kibali cha kurekodi Filamu na Harusi katika Bustani na maeneo ya wazi na Kumbukumbu	50,000/= kwa siku
10.	Kibali cha matambara ya burudani (Banners) yanayofungwa katika maeneo mbalimbali ndani ya Jiji	20,000/= kwa tambara kwa siku saba
11.	Kibali cha kuweka Posters katika nguzo, miti, kuta mbalimbali	300/= kwa poster, kwa siku
12.	Kibali cha kufanya matamasha yanayofanyika katika kiwanja cha Tangamano na maeneo mengine	200,000/= kwa siku
13.	Kibali cha kukodisha maeneo ya wazi kwa ajili ya mikutano ya dini n.k	50,000/= kwa siku
14.	Kibali cha kuendesha mchezo wa “game” kwa kutumia TV	300,000/= kwa Mwaka 25,000/= kwa mwezi
15.	Ada ya kiingilio kwenye viwanja vya michezo	5% ya kiingilio

Sheria Ndogo za (Ada za Vibali Vya Burudani) za Halmashauri ya Jiji la Tanga
Tangazo la Serikali Na. 211 (linaendelea)

JEDWALI LA TATU

(Limetungwa Chini ya kifungu cha 10)

HATI YA KUKIRI NA KUFIFILISHA KOSA


(Chini ya kifungu cha 10)

Miminakiri KWA HIARI YANGU
MWENYEWE mbele yaambaye ni
Mkurugenzi wa Halmashauri ya Jiji la Tanga, kwamba mnamo tareheya Mwezi
.....Mwaka.....nilitenda kosa la kukiuka
masharti ya kifungu cha.....cha Sheria Ndogo za (Ada za Burudani) za Halmashauri
ya Jiji la Tanga za Mwaka 2019.
Kwa Mamlaka aliyopewa Mkurugenzi wa Halmashauri, niko tayari kulipa kiasi cha Ada/ Ushuru
ninachodaiwa pamoja na faini.

NATHIBITISHA KWAMBA MAELEZO HAPO JUU NI YA KWELI NA NIMEYATOA
KWAHIARI YANGU KADRI YA UFAHAMU WANGU

Leo tarehe.....ya Mwezi.....Mwaka
Jina.....Saini.....
Mbele ya :
Jina:Cheo:
Saini:

Lakiri ya Halmashauri ya Jiji la Tanga imebandikwa kwenye Sheria Ndogo hizi
kufuatia azimio lililopitishwa katika kikao cha Baraza la Madiwani la Halmashauri
ya Jiji la Tanga kilichofanyika Tarehe 30 mwezi Januari mwaka 2019 na
kushuhudiwa Lakiri hiyo ikibandikwa mbele ya:-



.....
DAUDI R. MAYEJI,
Mkurugenzi wa Jiji
Halmashauri ya Jiji la Tanga

.....
SELEBOSS M. MUSTAFA,
Mstahiki Meya
Halmashauri ya Jiji la Tanga

NAKUBALI,

Dodoma,
1 Machi, 2019

SELEMANI S. JAFO (MB.),
Waziri wa Nchi ofisi ya Rais TAMISEMI

Sheria Ndogo za (Ada za Vibali Vya Burudani) za Halmashauri ya Jiji la Tanga
Tangazo la Serikali Na. 211 (linaendelea)